

女科證治準繩卷之一

金壇王肯堂輯 門人南昌張紘校

治法通論

保婦人童幼天癸未行之間皆屬少陰天癸既行皆屬厥陰天癸既絕乃屬太陰經也治胎產之病從厥陰者是祖氣生化之原也厥陰與少陽相表裏故治法無犯胃氣及上三焦爲三禁不可汗不可下不可利小便若發汗者同傷寒下早之證利大便則脉數而已動於脾利小便則內亾津液胃中枯燥制藥之法能不犯此三禁則榮衛自和而寒熱止矣外則和

於榮衛內則調於清便先將此法爲初治次後詳而論之見證消息同壞證傷寒爲之緩治或小便不利大便秘結或積熱於腸胃之間或已成痿或散血氣而爲浮腫蓋產理多門故曰同傷寒壞證如發渴而用白虎氣弱而用黃耆血刺痛而用當歸腹痛而加芍藥已上例證不犯三禁謂產後之久病也若產後暴病又不可拘也如產後熱入血室者用桃仁承氣抵當湯等藥胃堅燥者承氣不可以泄藥言之產後世人多用烏金四物湯是不分四時之寒熱不分血氣之虛實盲然一槩用藥如此而愈加增劇是誤

也大抵產病天行則增柴胡雜證則加芩四物又
春夏從柴胡秋冬從四物藥性寒熱病證虛實不可
不察也四物湯常宜服銀今立四時增損法於後

養血四物湯

益榮衛滋氣血治月水不調臍腹痛

痛婦人經病或前或後或多或少疼痛不一腰足
腹中痛或崩中漏下或半產惡露過多或停留不
出妊娠腹痛下血胎不安產後血塊不散或亾血
過多惡露不止四物湯加茱萸煎服若人陽臟少
使茱萸陰臟多使茱萸一方加香附

熟地黃

補血如臍痛非此不能
除乃通臍經之藥也

川芎 治風泄肝末如血虛頭痛此不能除乃通肝經之藥也

芍藥 和血理脾如腹中虛痛非此不能除乃通脾經之藥也

當歸 和血如血刺痛刺如刀割非此不能除乃通腎經之藥也

右為龕末水煎服

春倍川芎 一曰春二曰脉弦三曰頭痛

夏倍芍藥 一曰夏二曰脉洪三曰泄

秋倍地黃 一曰秋二曰脉澁三曰血虛

冬倍當歸 一曰冬二曰脉沉三曰寒而不食

若春則防風四物加防風倍川芎 若夏則黃芩

四物加黃芩倍芍藥 若秋則門冬四物加天門

冬倍地黃 若冬則桂枝四物加桂枝倍當歸

若血虛而腹痛微汗而惡風四物加芍桂謂之腹

痛六合 若風眩運加秦艽羌活謂之風六合

若氣虛弱起則無力冠然而倒加厚朴陳皮謂之

氣六合 氣不足而用泄氣之藥可乎當以參芪易之

若發熱而煩不

能睡卧者加黃連梔子謂之熱六合 若虛寒脉

微自汗氣難布息清便自調加乾薑附子謂之寒

六合 若中濕身沈重無力身涼微汗加白朮茯

苓謂之濕六合 若婦人筋骨肢節疼及頭痛脉

弦憎寒如瘧宜治風六合或傷損氣血乘虛而暈

者四物湯四兩羌活防風各壹兩

若血氣上衝心腹

脇下滿悶宜治氣六合四物湯四兩木香檳榔各壹兩

若臍下虛冷腹痛及腰脊間悶痛宜玄胡六合

小腹痛四物湯四兩玄胡苦棟各壹兩若氣衝經

脉故月事頻併臍下多痛宜芍藥六合四物湯四兩

芍藥倍黃芪壹兩若經事欲行臍腹絞痛臨經痛

者血澀也宜八物湯四物湯四兩玄胡檳榔苦棟碎

焦木香各壹兩若婦人血虚心腹疴痛不可忍者

去地黃加乾薑名四神湯 補下元加乾薑半兩

甘草七分 氣築小腹痛加玄胡索煎服 若腹

中刺痛惡物不下倍加當歸芍藥 若腹痛作聲

經脉不快加熟地黄一倍添桂心半倍煎 經行

腹痛腰背痛加芸薹半膠紅花吳茱萸菴闍甘草

銀器燈心熱服 若經水澀少宜四物湯內加葵

花煎又加紅花血見愁 若經水少而色和者四

物湯加熟地黄當歸各壹兩 若經水暴下四物湯

內加黃芩若腹痛加黃連如夏月不去黃芩 若

經水如黑豆汁者加黃芩黃連各壹兩 若經水過

多別無餘證宜黃芩六合湯四物湯兩黃芩白朮

各壹兩 經血淋漓不斷加乾端蓮房炒人藥 陰

陽交合經脉行加赤石脂黃芪肉桂百草霜藕節
敗櫻灰肉豆寇當歸木香龍骨白朮茯苓地榆

若經水適來適斷或有寒熱往來者先服小柴胡
湯以去其寒熱後以四物湯和之如寒熱不退勿
服四物是謂變證表邪猶在不能效也依前論中
變證隨證用藥調治 若血崩者加生地黄蒲黃

補血任崩加百草霜櫻灰首綿灰蒲黃炒過龍
骨白薑 血成片加地黃藕節 黑血片人參白

朮 若血臟虛冷崩中去血過多加阿膠艾 月

水不調血崩或多少或前後嘔逆心膨陳艾黃芪

若赤白帶下宜香桂六合四物湯四桂枝香附

各五錢

四物湯為細末煉蜜丸梧子大空心米飲

下三四十九治年高婦人白帶良驗 白淫濁龍

骨地黃當歸 五色研麝香好酒 鮮紅溫酒鹽

湯 帶下加肉桂蒲黃百草霜甘草黑豆白朮玄

胡索白薑龍骨空心鹽酒下 白帶加白龍骨酒

下 若婦人血積者加廣茂京三稜桂乾漆炒煙盡各

壹兩 若經血凝滯腹內血氣作疼加廣茂官桂等

分用之王石膚云熟地黃滯血安能止痛不若以

五靈脂代之 血滯不通加桃仁紅花各貳錢半

經閉加枳殼大黃荆芥黃芩青皮滑石木通瞿
麥海金沙山梔子車前子 血寒加甘草烏梅柴
胡桃柳枝 月經久閉加肉桂甘草黃芪薑錢棗
子木通紅花 月水不通加野苧根牛膝紅花蘇
木舊酒水同煎 血氣不調加吳茱萸壹兩甘草
半兩 四物湯加甘草半兩爲細末煉蜜丸每兩
作八九酒醋共半盞煎湯同化調下名當歸煎去
敗血生好血如人行五里再進一服無時 若虛
熱病四物湯與參蘇飲相合名補心湯主之 添
柴胡名五神湯大能補虛退虛熱 潮熱加黃芩

地骨皮柴胡一方加柴胡乾葛黃芩人參 虛熱

口乾加麥門冬黃芩壹兩 虛渴加人參乾葛烏

梅栝萸根 虛而多汗加煨牡蠣麻黃根

各半兩

虛寒潮熱加柴胡地骨皮白朮茯苓甘草秦艽知

母黃芩麥芽貝母人參烏梅棗子 若四肢腫痛

不能舉動宜與蒼朮各半湯主之 若大便燥結

四物湯與調胃承氣湯各半名玉燭散主之 若

流濕潤燥宜四物理中各半湯 若氣血俱虛四

物與四君子湯各半名八珍湯主之加縮砂仁保

胎氣令人有子有熱加黃芩 若因熱生風者加

川芎柴胡防風

無一方

血氣勞加荆芥柴胡

血

風兩脇築痛或盤腸成塊加大黃萸撥乳香

血

弱生風四肢痺疼行步艱難加人參乳香沒藥麝

香甘草五靈脂羌獨活防風荆芥地龍南星白附

子澤蘭為末蜜丸木瓜鹽湯下

血風膨脹加甘

草木香枳殼馬兜鈴葶藶紫蘇藿香地黃空心服

臟腑祕加大黃桃仁

滑泄加官桂附子

虛

瀉加人參川芎白芷蒲黃炒阿膠白朮茱萸續斷

乾薑附子肉桂黃芪赤石脂甘草蜜丸鹽梅湯下

嘔加白朮人參

一方有生薑

嘔吐不止加藿香白

木半兩人參貳錢半 嘔逆飲食不入加白朮乳

香甘草人參縮砂益智仁胡椒 若欬嗽加桑白

皮半夏人參生薑北五味子甘草 感風勞嗽加

欬花知母阿膠半夏麻黃甘草馬兜鈴黃芩杏仁

柴胡薑錢訶子烏梅 若發寒熱加乾生薑牡丹

皮柴胡一方加芍藥 如寒熱往來加炮乾薑牡丹皮

各壹分 若平常些少虛眩肢體瘦倦月信不通只用

生薑薄荷此是婦人常服之藥蓋味寡而性緩效

遲而功深 若大渴加知母石膏 若水停心下

微吐逆者加豬苓茯苓防已 若心腹脹滿加枳

通
殼青皮 虛汗加麻黃根 汗多加浮麥 大便

下血四肢寒膨脹腸胃有風槐花枳殼漏蘆荆芥

木香白鷄冠花木通紅內消紫草石榴皮陳皮青

皮黃芩甘草白茅根槐角 腸風下血加槐角槐

花枳殼荆芥黃芩大腹皮紅內消地榆石楠葉白

鷄冠花爲散煎一半爲末空心鹽湯舊酒調下

鼻衄吐血加竹青蒲黃藕節半夏丁香訶子桂花

紅棗飛羅麪白茅根蚌粉 若頭昏項強加人參

黃芩 若虛寒似傷寒者加人參柴胡防風 若

虛煩不得睡加竹葉人參 若諸痛有濕者四物

與白朮相半加天麻茯苓穿山甲用酒煎服 治

老人風秘加青皮等分煎服 治瘡疾荆芥酒煎

常服 妳癰加連翹茨菰子紅肉消白芷菖蒲片荆

芥牛膝山蜈蚣乳香沒藥漏蘆生地黃 赤眼頭

風疾加薄荷清茶 赤眼生風加防風黃芩 風

瘡赤腫加荆芥牛蒡子何首烏甘草防風羌活地

黃鹽酒 脚腫加大腹皮赤小豆茯苓皮生薑皮

若婦人傷寒汗下後飲食減少血虛者宜八物

湯四物湯四兩黃芪白朮茯苓甘草各壹兩 若妊娠

傷寒中風表虛自汗頭痛項強身熱惡寒脉浮而

弱太陽經病宜表虛六合湯四物湯兩桂枝地骨

皮錢各七若妊娠傷寒頭痛身熱無汗脉浮緊太

陽經病宜表實六合四物湯兩麻黃細辛各半兩

若妊娠傷寒中風濕之氣肢節煩疼脉浮而熱頭

痛此太陽標病也宜風濕六合湯四物湯兩防風

蒼木錢各七若妊娠傷寒下後過經不愈溫毒發

斑如錦紋宜升麻六合四物湯兩升麻連翹各七

錢若妊娠傷寒胸脇滿痛脉弦少陽頭昏項強

宜柴胡六合四物湯兩柴胡黃芩各七錢若妊娠

傷寒大便鞭小便赤氣滿而脉沉數陽明太陽本

病也急下之宜大黃六合四物湯四兩大黃兩半桃仁

斗箇去皮尖麩炒

若妊娠傷寒汗下後欬嗽不止宜人

參六合湯四物湯

四兩人參五味子各半兩

若妊娠

傷寒汗下後虛痞脹滿者陽明本虛也宜厚朴六

合湯亦治欬嗽喘滿四物湯

四兩厚朴枳實

麩炒各半兩

若妊娠傷寒汗下後不得眠者宜梔子六合湯

四物湯

四兩梔子黃芩各半兩

若妊娠傷寒身熱大

渴蒸蒸而煩脉長而大者宜石膏六合四物湯

四兩

石膏知母各半兩

若妊娠傷寒小便不利太陽本

病宜茯苓六合湯四物湯

四兩茯苓澤瀉各半兩

若